

ի տունն ծնանելոյ կնոջ, և պատրաստ ընդ կենալ մինչև կինն ծնցի, եթէ գուցէ ծնեալն տկար և այլ որ ոք պատճառի որ տն տեղի կասկածանաց պահելոյ նմայ մինչև ժամանակ սահմանի եկեղեցւոյ այսինքն, եօթն աւուր, և ապա մկրտտիլ, իսկոյն մկրտեսցի դրօշմեսցի վերջին Օծումն տացի և հաղորդեսցի երեխայն, յառաջ քան զփնաս ինչ ՚ի վերայ կենաց երեխային յանձն առնուլն, այլ եթէ երեխայն առողջ թոյլ տացէ նմայ մկրտիլ, յաւուրն սահմանի:

Գ Լ ՈՒ Խ 342.

Մի ոք առանց հրաւիրելոյ մի մտցէ ՚ի տունն ոչ ծնեալ մանկանց և ոչ ամուսնացեալ արանց և կանաց վասն շնորհաւորելոյ ծնունդ նորայ մանկան և հարսանիսն ամուսնացելոյ, և ամենայն ընտանի և Տեառն տան որում գացի ծրնունդ և ամուսնութիւն, հարկաոր է հրաւիրել նոցայ որում ինքեանք սիրեն և ցանկան տեսանել ընդ խրախճանութիւնս իւրեանց, հրաւիրումն հարկաւոր է լինիլ, այսպէս որ ՚ի յերեսս միոյ թղթոյ շարեսցի, այսինքն:

Եղիսաբեթ տիկին ամուսին պարոն Մաղաքիայի դեկտեմբերի ամսի 14 պատկեր աւուրն երեքշաբաթի առաւօտեան 6 ժամին ծնաւ մանուկ մի արու սպասաւոր ձեր և մխիթարութիւն